

大清光緒十四年

本館新聞除禮拜外日出一張
諸君賜閱本報者無論
本埠外埠均可函致本館取
閱如外埠閱報加寄費可
也除日報照常刊送外復不
惜工本從英國採辦新式
各機器以待與 各官商
刊印書籍單件並有英國各
種活字及各式花邊等延有
西人印工其精所有中西
文字均能刊印並有石版
印字大小機器均用精工

申報

號四廿第牌門口虱巴舊在設開館本

印工緻絕倫並延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登亦須無
礙於人而後始錄其有謬
成文以及支離費解者概不
登報嗣後 諸君來札尙祈
自諒更須寫實里而後敢
登但來稿存與不存均不能
將原稿收回也 本館謹白
戊子九月廿二日

凡刊印告白第一日每一字一仙第二日以下每字半仙 凡刊印告白第一日每一字一仙第二日以下每字半仙 凡刊印告白第一日每一字一仙第二日以下每字半仙

寄報聲明 ○啟者本報所刊報紙其價係按年而算與半年開單一次領取單此與零沽者有
所不同近見外埠諸君取閱本報者或有僅一二月之久即爲止倘其更有取巧者取閱本報追屆半年開
單往收報費之時則竟託詞謂已致函本報着爲停寄何以復送前來緣是即欲圖沒報費殊堪痛恨竊思
本館之報原期大眾同觀事之濟否不在一人倘不欲賜閱即以一函投諸本館斷無有不爲之止截豈有
強人看閱之理則此言之詐可知茲特聲明 諸君止看本報者必須由國家信館寄功投之本館
始爲准倘本館未接來函而爲派送則不妨再爲示教至於取閱報紙必須至一年半年方能止截否即
作爲零沽當按價索償勿謂言之不預也特此聲明 本館謹白

出言宜謹說

友人某素以口辯爲能常顛倒雌黃混淆黑白令理直者亦無詞可對人以其是咸喜其能言亦咸畏其能言
而其人以是遂潦倒窮愁所如輒阻噤此非其生平口孽之所致歟夫言爲心聲心有所寄言始隨之其言
之過於厚利者則必流於刻薄言既近刻則心惡得而不刻乎似此所爲惡殊非載福之器也因作諺言之
說以明之夫人生斯世不能無言言宜也宣彼此之意也然則善言者亦不過能宣其意而已人類含生質
氣知是辨非則非言莫通以故大造界以能言雖各方言語之不同然所以敷詞達意者一而已矣他勿具
論而即以中國言之如六經爲載道之書諸子爲自鳴之說精於詩而溫柔精於書而通達精於樂而和悅
精於易而幽遠精於禮而莊敬精於春秋而諷諫是皆言之正者若夫抱朴淮南等雖說雖爲新穎然語多
怪僻識者已非之宋畢仲游與蘇子瞻書云言語之累不特出於口者爲言其形於詩歌贊於賦頌記於碑
銘著於序記者皆言語也今知畏於口而未畏於文是其所是則見是者喜非其所非則蒙非者怒喜者未
必濟君之謀怨者或已敗君之事其論如此曾非爲口給者作一針砭哉若夫尋常管接朋友嘲嘲其見於
日用間者則貿易也講學也交朋也規友也課徒也論事也無事可以絕人即無日可以緘默苟不能擇言
而道則此中召怨者不知幾何蓋言出口則聲入人耳所謂好言自口莠言自口者無心偶出則驕馬有
所難追申子云一言正天下定一言倚天下靡此甚言其危也雖常人之語未必能然而多言數窮則比比
皆是故君子欲訥吉人寡辭周廟有緘口之金人宜尼有無言之志願司馬光終身未嘗妄語楊伯起言無
不可對人自古戒言之饒指不勝屈天下失言之禍僕有難更然約而計之則有五端曰妄言曰虛言曰謔
言曰諂言曰寬言而已俗子庸人日事徵逐自蚤起以迄夜寢羣居終日詞煩意亂徒以口給傷人千百語
中曾有片言及於義者乎則無之也此所謂妄言也然此猶小焉耳若夫見聞不測而纓陳確鑿鑿空中
之閣架海上之樓樂道津津形容鑿鑿縱無傷於局外而存心詐僞如見肺肝此虛言也其過較妄言爲尤
甚況虛言之害更有大者商賈虛言而取利不義其惡近於偷爭訟虛言而罪案加增其惡近於殺稱譽虛
言而標榜成名其惡近於媚總之事機瑣碎弊實紛煩欲盡述之日猶不足也何謂諂言曰諂者談人之短
有其事而後告於人也何謂寬言曰寬者傷人名節無其事而亦道於外也寬與諂同是貶毀然寬之惡則
重於諂受之者愈覺疾首痛心何謂謔言曰謔詞要語春雷開書凡可以傷風化機機慾小人聞之而心動
正人聽之而汗顏者即是淫言當今之世俗向染流漓不特狂童孺子佻儇性成即腐儒士商人亦多放浪
乎談風之陋一至於如是之甚耶夫言之者不過徒取快於一時不知流弊無窮施之君子向不過壞品行墮
聲名施諸小人實足以敗仇讐召禍害噫言之不謹其禍可勝道哉爰書此以作座右之銘焉可
諭旨恭錄 ○九月初五日奉 旨二等侍衛輕車都尉覺羅成安頭等侍衛公鈞藍翎侍衛色清
額二等侍衛伊里布四等侍衛雲騎尉藍翎侍衛霍倫泰治儀正文瑛整儀尉全山俱着挑在乾清門
治儀正文瑛着作爲三等侍衛整儀尉全山着作爲藍翎侍衛欽此同日奉 上諭給事中俊又外任實缺
官員終養丁憂服滿請准分發原省候用一摺着吏部議奏欽此同日奉 上諭昨日召見之四川候補道
劉麒祥着交軍機處存記欽此○初六日奉 上諭陝西巡撫着張煦補授欽此同日奉 上諭續昌現在
出差禮部右侍郎着清安兼署其所署刑部右侍郎着松齡暫行兼署欽此同日奉 上諭奎潤現在出差
禮部尚書着紹祺兼署欽此

俄國電音 ○十八日俄京發來電報云現俄皇已出巡馬什地方查馬什乃俄之屬地附近穆哈刺邊界近因該處火車告成故俄皇特往為巡閱該處部民聞皇駕至欣喜趨迎亦深為嘉稱云

贖買水雷 ○駐防叻海衛里因戰船前日因操演水雷詎有一枚忽不能轟發且不知其去向經已遍查無跡現由該船出有賞格覓此水雷如有人知其在於何處者前來報聞即賞給三十元以為花紅之費云

印茶漸旺 ○英京日報云英人之往印度種茶者皆習印度之茶將來暢銷於英京必可盡奪中國銷路此雖道料之詞而其熟悉印度茶情形真有先見之明蓋數年後英京茶市當由印度運來不必定恃中國也查印度之茶始產於亞士三省野地比閱五十餘年即西歷一千八百五十一年全省出野茶尚不敷三十萬磅之數乃是年初創植茶公司地雖不廣每年出茶已有二百五十萬磅矣至去年該處所載共有茶園八百七十三所約計一百萬英畝一年中產茶七千萬磅所獲之銀誠為鉅款惟須高工值僱中國人至彼處製造方合銷售然除支浩費外植茶仍獲厚利大抵初創茶業諸事不諳須以重資僱有見識之人規畫盡善方能經理事務與獲利現聞種此茶者每畝需工本銀五十四羅卑運至加拉吉打半發售每磅價銀至低者六個半實拿士至高者八實拿士至載到英京出售得價至低每磅銀七辨士客四分之一至高者每磅銀十一辨士印度每年出茶九千萬磅或九千餘萬磅內有七千萬磅係出自亞士三省蓋以此省金山比英屬印度界邊地土潤澤天氣炎熱適於種茶者不及千分之一倘異日英人在彼處山地種植則必如前在亞士三省擴充茶業之速是印度茶利又奚訪為中國所奪哉以上皆英語譯之以告中國之茶業者

天相吉人 ○吉隆參政瑞公丁咸前因政體違和未克到職視事業經列報刻聞瑞公現已喜占勿藥於十二日已復到署照常視事矣茲特錄報以聞

墮塌傷人 ○接吉隆友人遞來信息云該處之爪亞街有新建之磚屋四間其役係閩人某甲包工然磚灰等物則由主人自辦而主人則命穆拉油人某乙為監工焉該屋現在業已啟工建有牆壁業將蓋瓦詎於月之十三日其牆忽然傾倒約六英尺之高遂致壓傷小工五人聞內有一人所傷甚重恐不免有性命之虞其四人則受傷猶輕雖有斷臂折足之憂仍無大害旋經巡差將此諸人昇赴醫院調治云

越南不國 ○西報謂去月廿八日順化城來電云法越近立章程兩條王已督押其一條云所有河內海防會安三處所占之地方併附近三處之各地方俱歸法國租界其一條云法人可在東京併在各口埠各地方置買物業該物業以法國律例管理此即係該物業承辦管理也又法國人民及本國人民而歸法國保護者可照此例在越南置買物業惟須照越南辦理噫越自歸法保護而後事事皆唯命是聽已不免太阿倒持今又復盡將各大埠與為租界開門揖盜越其不圖矣夫

銀商受侮 ○聞小呂宋埠之香港上海銀行代理人名富仙者被該埠官憲為難事緣該銀行前有夥某被代理人開除挾嫌誣告謂該行之廈門銀單未有蓋上釐印官憲不察誤聽讒言將該代理人暫守屋內不准出入以待查辦是處官憲覆查自知不合乃將所控之案收回今駐是處之英國領事以此事有關體面設法討取賠償云所報如此未悉其後如何辦理也

鏡濠秋雁 ○澳門報云現任總督哥士打定於本月十三日附搭法國郵船回國又云有運船名烟地亞已於初三早八點鐘啟行內載亞非利加兵士往智模地方并載第二隊步兵及搭客同葡又云是處水手橫街有屋一所已多歷年乃葡國傳教之物業忽然坍塌是時適有男婦各一人路經其下被壓於瓦礫場中頭顱破裂不堪正視又鄰屋亦有岌岌之勢惟一貧家食其不用納租向居於此殆哉

賽馬彈壓 ○本月廿三日為西人賽馬第三次之期茲聞剛巡捕官密君現已遍諭各捕所於是日親與巡捕官右堂紐君共率第一號捕房總差夜字及英三畫列等差一名英巡差六名穆拉油四畫列等差一名穆拉油三畫列等差一名穆拉油二畫列等差二名巡差十八名竹脚捕房總差步禮士及穆拉油二畫列等差二名巡差六名梧槽捕房穆拉油四畫列等差一名穆拉油二畫列等差二名巡差四名施排埔捕房總差刺分及英三畫列等差一名穆拉油一畫列等差一名巡差二名另飭英三畫列等差一名統率印度三畫列等差一名印度二畫列等差一名印度巡差二十名於是日下午二點鐘齊集於竹脚捕房皆赴於跑馬場以資彈壓而暗暗總差利節君亦親率暗差等均赴該場稽察云

竊徒就獲 ○粵人某甲竊徒也偕其婦寓於牛車水於十九日甲赴於單邊街某友宅中適友外出而甲則潛入室中私竊其箱盜有縐紗褲一條玉釧一隻飄然欲去不料為同室中人所察覺爰欲向甲索還盜物而甲竟奪門而去故同室諸人鳴捕拘之適為當值巡差拘執携向捕房至今猶未經官提訊也


驚犬防癘 ○李其生長於叻寓於甘公麻六甲常有養犬之癖故其家有一犬性頗馴馴李酷愛之珍如拱璧不料於十七日該犬忽逐弄繩而噬狂吠若失恆性李欲召而撫之該犬置若弗聞李因逼近犬前而摩摩之詎犬噬其手痛不可耐李故以足踢之而犬復噬其足均受所傷李奔避之急集家人持棒擊之而犬就斃蓋恐其失性則流於癘故也嗣李以犬噬而傷急遣醫以調治云

蜜酒出賣

法國頂上蜂窠標萬蘭池酒出售


爐

機



啟者茲本公司親由法國督辦頂上好萬蘭池酒來助發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早惠臨沽買是荷

大英一千八百八十八年六月二十號
大清光緒十四年五月十一日 明鳴也公司謹啟



啟者本公司製造各種機器在荷蘭境內地方交易多年專造一切機器火礮火礮火礮之器具及大小輪船汽機鍋爐各項新式鋼鐵器皿一應俱全無不堅固耐久最便合用諸大甲地方本公司開設有分廠謹

啟者茲本行由歐洲辦到上等密酒來助發售其酒甚佳茲將標頭印出諸君光顧祈為細認免致有誤倘有無恥之徒假冒本行鎖匙標者本行定必嚴為控究再此酒不能販往加勝吧 三寶壟 泗里末 望加錫 檳榔嶼 日裡等處其他各埠均能運往並此佈聞

大英一千八百八十六年十一月十號 明鳴也洋行謹啟



上等呂宋烟

啟者本行由小呂宋督辦上庄選葉呂宋烟發售其貨均屬上等並無低貨提難且價甚相宜其中每箱有五十枝者有五十枝者有一百枝者各款俱備香美異常因邇來西人年節將屆用此以作禮儀餽贈最為合式且能與 諸君代辦小呂宋各貨 諸君賜顧請至土庫花園邊奕爾堅洋行之後與密加釐士打索路店隔鄰本行相酌是荷

大英一千八百八十七年十二月七號
大清光緒十三年 義士連洋行謹啟

中外眾國有限保險公司

啟者本公司總局設在香港多年備有資本銀二百萬元已先收股份人來銀六十萬元及餘存銀六十萬元在而係本行代理承保各商貨物銀項船隻輪船往來各埠其保費扣用照例所有花紅之銀俟結賬之後按股分派前一千八百七十八年一千八百八十年每股得利息銀計五八仙又一千八百八十年至一千八百八十二年每股得利息銀計一十八仙諸商賜顧者請至本行開相商可也

大清光緒九年 月 日
英一千八百八十三年八月廿七號 毛質德公司謹啟

啟者現本館新由上海寄到活字排板石印各書甚多約計百餘種茲以廉價發沽諸尊欲採辦者請到本館選購是荷至其書目太繁不能殫述諸君如欲採辦者請到本館面議可也

聲明告白

○啟者新加坡小坡魯味之律街第二百一十七號門牌新裕和號原係溫善記楊部記二人自乙酉年十一月合夥同創故衣生理協力經營向無異志茲緣本年七月間因楊部記遽然逝世之人掌握故將新裕和號全盤生理核算方知蝕虧資本溫善記楊部記二人應占其半自是以生理之人執掌乃將新裕和號全盤生理及店底家器貨物等項頂與新與裕號就溫定記溫善記楊部記二人承受任從承遠經營至若頂受銀項業於即日交楚不欠分毫嗣後新與裕號生理盈虧均不干溫善記楊部記之事倘溫善記楊部記前有與諸寶號各親友交易往來及揭借滙對等項不拘先後多寡均向經手是問概與新與裕號無涉此聲明免致後論此佈

大清光緒十四年九月十五日

新與裕號 馮定記 溫善記 謹啟

線 轆 出 售



啟者本行專辦英國寶拿士布機房各色上等棉線轆發客此線轆與線球不同線身光滑於縫衣脚車手車為合用每個足長一百碼價甚相宜曾經呈請英國考驗幸蒙贊賞并賜金錢羊頭標號為記本行因此線轆久已盛行外國惟亞洲一帶向恐未有周知故特辦此東來俾得利便中華之用 諸君一用始知余言之非虛 貴客光顧請認羊頭標號招牌為記

庶免有誤 大英一千八百八十七年十一月三十號

香港希士洋行 新嘉坡代人明馬也公司謹啟

三 品 酒 出 售


啟者本行督辦歐洲馳名三品洋酒來叻發售其酒係由頭式製售有年沽飲者莫不稱其香美奈近有無良之徒假冒本庄三品酒款式以圖魚目混珠情殊可恨嗣後 諸君沽買本行三品酒者請認明本號招牌之內有小紙包印明字號庶免有誤也公司謹啟

若此字樣即係偽冒請為認明特此佈聞

大英一千八百八十五年十二月十九號

大清光緒十一年 月 日 明馬也公司 謹啟

活 侯 亞 士 堅 公 司 告 白



啟者本公司向來開辦本坡久為中西商翁所賞識茲承英京永茂公司之命託本公司為該公司駐叻代售機器之人本公司既受所託不得不代為力肩鉅任將該公司新學之誠製造之藥以及貨物之多盡舉以告海內 諸商翁知悉緣該公司向來開辦英京歷久無異素為英國人所賞識不特為英國人所賞識又為鄰國人所賞識不特為鄰國人所賞識且為天下各國人所賞識蓋因該公司立心持平不致盡善物料既美製作更精所以能邀譽於本國鄰國及天下各國人皆以此也現該公司所製造之器械甚多筆墨難以盡述更僕不可備數非親至該公司目擊斷不能信詳所見茲不過略舉其大概言之亦存什一於千百中之意耳至該公司現經運到本公司存貯代售其中件件堆積如山即不可枚舉茲因篇幅太狹不能盡錄以備諸商翁覽擇其要而通行者略登報端以為 諸君採擇焉如水厚木筒皮帶等件其價較別家稍為相宜貨而亦視別家為特妙請 諸君移玉到本公司一觀便有所聞未盡所見之概不啻遊山陰中道令人接應不暇矣至於本公司又有製造做大薯之機器以及水厚木筒等件亦是名目太多不能備列謹此奉告向祈寶然賜顧為慰現本公司已遷至工部局貨倉左鄰近復分枝一廠在吉隆坡仙四師爺官後大馬路至下巴雙河邊橋頭右邊開張以便吉臨 諸君選沽機器以及修理機器等事 諸君光臨請移玉趾是荷

大英一千八百八十七年十一月九號

活侯亞士堅公司謹啟

新 款 歐 洲 馬 車 轆 等 件 出 售

啟者本馬車房自一千八百六十二年開設在小東陵大路邊迄今二十餘年素蒙 諸君惠顧遐邇馳名本車房專代 諸君製造各款馬車無論四輪雙輪大小明暗各車 能製造所用物料均係上等而漆畫線亦皆精妙異常其木料均係選用上等美材且皆預買放乾然後製造故無裂綻變樣之病是則不惟悅目并且耐用與平常所造者不同倘 諸君有命本車房製造各車者懇即惠臨務能如意而本車房并有無用之馬車出售雖曾用過然再加修飾與新製者無殊其車則四輪雙輪大小款式無不備有以便諸君選購更可代 諸君修理一切車輛其物料概由歐洲預辦充足無須臨時購買修繕甚捷可以剋期告竣且價甚相宜倘 諸君有惠顧者其在本坡則可至本車房面商其在外埠則可函知本車房自能備辦并有各車目錄列明以便選購而本車房復有鞍轡等件出售有履車者乘坐者其中大小雙單各款俱全此鞍轡均由歐洲督辦來坡倘 諸君欲更往歐洲採購者本車房亦可為之代辦並能相其馬匹大小配以鞍轡務令合宜即修理舊馬鞍便之更新亦無不可而本車房並有樹乳之踏足墊出售其墊可任剪裁大小均由尊意 諸君購始知其貨之精也 再本車房因生理日益加增而不惜重價購辦勞力欲知其詳細情形者可至本車房細詢便得特此佈聞

大英一千八百八十八年四月十四號

南末兄弟車房司理人麥吉利 謹啟

宗室鄉試紀聞 ○八旗宗室鄉試例於十七日另場考試試以四書文一篇八韻詩一首試卷僅爲彌封無須發牒不經房校原卷巡呈大主考校閱取中亦無被黜之例中後磨勘即有疵謬照例免議此足徵 天潢貴胄非與草莽下士等量齊觀也中額則十取其一年應鄉試之八旗宗室有六十五人按照左右翼分點於貢院東左西右兩門搜檢放入領卷入號甫封門即散題紙俾得從容構思當日交卷午間每人分給菓饌饒迫申刻即有交卷者至夜子初試卷交齊全行出場謹將題目錄後 文顯聽訟吾猶人也必也使無訟乎 詩賦得風來大滾聞鳴鶴得鶴字五言八韻

吳仙紀略 ○粵東新安縣有吳仙者與兄僑居於黃松崗附近之溪頭鄉性素機巧喜行方便事仙佛甚謹家赤貧傭於陳紳之家以爲農工終歲所入除清泊自奉外盡買香楮以供仙佛聞七姐巖神甚顯靈不憚數十里聲所有市香楮而往叩之行年四十絕不言娶斷葷茹素數十年如一日人咸謂之弗恤也一日晨炊將熟有小龜躍入室繞行足下吳異之持而置之門外無何龜復入繞如故吳又驅之若是者三吳心頗悟向龜祝曰而不欲吾食人烟烟火乎果爾則汝去不返吾亦從此辟穀矣送之門外龜倏不見吳自此遂不火食每日祇啖果實數年來昨惟不飢日精神倍健將死之前日語其兄曰我明日某時當死死後萬勿殮我兄曰死而不殮如臭皮囊朽腐何吳曰我先清內穢而後死死必不穢先期飲清泉一盪大小便濁穢俱下乃就床仰臥從容而逝兄從其言不爲殮數日而屍不腐鄉人聞之咸持香燭羅拜陳紳每月資助其兄使司其香火計今死已七閱月矣仍肉身不化僵臥帳中有到拜欲睹仙容者兄每揭帳視之搖其手并所持扇擺動如生人焉有友客于新安者曾到瞻拜縵述甚詳

鬼書奇語 ○慈嶺有奇事焉事何奇以鬼而致書於人則奇大西門外羅家門裡有蒙館徐某某其父曾任廣東巡檢積資數千金歿後某隨單其妻亦宦家女也始相狎繼相惡徐以其母族遠隔無人顧問遂誘之至郡賣與閩人其妻過門後怨憤自經徐乃另娶某姓再醮女其父充邑署兒快女奢修悍潑所有遺資悉供揮霍不足則繼以典質於是逋負山積徐哀懇離異始得去前妻遺有一女亦售與種菜傭至是孑然一身人咸不齒其遠房族弟某需次津門乃往謀棲託幸借一枝數年間獲數百金而歸仍設蒙館以謀贖粥前年族弟卒於官今秋七月徐忽於案上得書一函啟閱之則某手筆也拍案驚絕俯仰聞聲詢視見其墨色慘淡確係鬼筆而徐深諱其事當時鄰人之見者曾記其梗概云別後六載余亦遊世冥司以余尙無大過命司號件之籍前月下旬爾祖以爾父積善自享棄松不顧已千絕嗣之條乃爾濟惡尤甚竊佔祀事不知祭掃庭堅之嗣猶存若教之鬼先假似此子孫厥生何用等詞呈控冥司查爾告案尙多未便姑縱當批該司查辦余雖不能救援何忍坐觀爾難久居人世可迅即料理身後事宜無使寡女爲難云云噫天壤間有此歹人乃復有此靈鬼乎

臺北秋鴻 ○臺北創興鐵路沿河須造一大橋所用枕木非質料堅厚者不可劉省帥特委朱君宗炳帶同何德梁壽二工師前往香港採辦一切川資火食由橋工委員張君家德照例開支○日前有分省選用道李觀察由滬來臺拜會各大憲翌日劉省帥林時甫京卿皆設筵相待閱觀察家寄巨富此次來臺擬出資請辦開墾各事云○北門外一帶鐵路業經造竣火輪車一輛名雲騰每日來往數次裝運木石等件以造未成之路沿途有撫轅差弁督率勇丁嚴執鞭彈壓恐百姓擁觀火車行走迅速致有冲撞事情也十四日火車由工廠駛回後帶空車駛輻正在行駛如飛之際輪忽突出軌外車身傾側跌傷工匠數名管車工師名羅遜者亦小有損傷當經勇丁昇回未知能無性命之憂否○臺北瘟疫盛行民間糾集資財或昇廣澤尊王或昇城隍神遍遊街市鑼鼓喧闐會中用紙紮就諸鬼窮形盡相長短不一用人承之以行見者幾疑身入冥途○見中獄中變相淡水縣出示略謂時屆中秋瘟疫疫仍自盛行推原其故多由街市之閒任意堆積穢陰溝又閉塞不開臭氣觸鼻聞者焉得不病今奉爵撫諭責令居民各鋪戶每日就近打掃務使潔淨無塵庶溝嚴諭各紳耆集資僱工開濬汚泥不得淤積並隨時多派文武員弁沿街巡視倘有不遵示諭者立即懲辦○七月二十八夜大稻埕和記洋行被賊從棧房後牆挖洞而入竊去小土七十四塊計值洋銀三百三十二元時值大雨機夥全不知覺次晨得悉賊已不知去向矣該行乃英商所設當即稟懇英領事照會淡水縣請飭幹役嚴密緝訪拿注大令准此出示懸賞如有獲賊送案者賞給洋銀一百元報信者賞給洋銀五十元此係本縣捐廉給發決不食言想軍賞之下不難越日破案也

河務述聞 ○有客自豫工來抵掌而談河務稱向來桃汛水皆增長惟今年勢甚平平一似天心悔禍俾得奏功免至帑項虛糜民生塗炭李蘭蓀 欽憲倪豹臣中丞新舊兩任河督督飭河員均刻刻以合龍上慰 聖心下救民生爲念各員之投効者亦絡繹而來惟中有門戶之分畛域之見不能如心之使臂臂之使指現辦河務者扭扭於積習以指料爲要需經手人員不無侵蝕鄉人因之觀望不前春開材料復燬於火河員至此富者愈思致富貧者不安於貧互相推諉故意遲延思以要工爲生財大道貽誤之咎率由於此前非天時之不就河之患難平亦非上憲之督率不力指撥之欸項遲延也嗣經侍御先後將情形入告 皇上以延誤要公虛費鉅帑新舊兩河督發往軍臺而李蘭蓀 欽憲倪豹臣中丞等俱干嚴譴於是河員之罪昭然若揭除革職留工及摘去頂翎外其尤要隘印委各員加以枷號現在河干示衆者不下二十人不知該員亦深愧悔否

增務彙登 ○京師訪事人云崇文門稅課每年應征額銀十萬二千一百七十五兩有奇風餘銀二十一萬二千七百餘兩如遇有閏

年分加增八千五百三十六兩有奇此定例也刻經前任監督額小瑞相國等將輕稅光緒十三年八月起至十四年八月止一年期內征收稅
數入奏計所征正額風餘兩項共銀十八萬一千餘兩統計短銀十三萬三千餘兩察稱皆因去歲夏秋雨水連綿商販裹足不前是以稅課不
旺實與征不力者有間相應請 旨飭部核議八月初奉 旨發戶部核議 ○崇文門課稅司自客歲接奉戶部洋藥稅厘併征章程以來所
有入京洋藥概不重征惟按新章內載確係驗單放行仍須將一年之內所進箱數若干開單報部刻由該稅課司報稱光緒十三年八月起至
十四年八月止一年期內共進洋藥一萬五千餘箱入京土藥一項係按舊章仍征稅課是年共進二千餘箱計稅銀五百三十餘兩云

京報選錄 ○臣潘祖蔭臣高鴻鵬奏為蘆溝橋廠賑濟貧民懇 恩賞發米石以資煮放事竊查 京西蘆溝橋地方本屬地
瘠民貧光緒二年奏請添設粥廠內聲明照舊濟濟堂及通州王恩園等處於每年秋冬時體察情形辦理奉 旨允准前自光緒三年起按年
奏蒙 恩賞粟米四百石陸續放粥於十月初一日起至來年三月底停止以瞻窮黎本年房山縣山水陡發浸及蘆溝橋一帶業將被水情形
及散放急賑收理浮戶各緣由先後奏蒙 聖鑒各在案茲查蘆溝橋以上山中被水災民無家可歸者大半出山覓食情殊可憫合無仰懇
天恩加賞蘆溝橋粥廠粟米四百石連向案 實銀粟米四百石一併 勅部撥發八百石由臣等飭令四路同知督率紳士赴倉領運至廠提
早一個月自九月初一日起煮粥寬散放需加經費臣等酌量籌給以惠貧民而廣 皇仁仍俟開賑後如災民眾多不敷散放再行隨時
奏懇 恩施理合恭摺具陳伏乞 皇太后 皇上聖鑒 奏奉另有旨 ○奴才錦宜跪 奏為特參郎中瘋症成痼請 旨勒令休致恭
摺仰祈 聖鑒事竊奴才衙門郎中世謙近年得有瘋疾前任侍郎政秀曾藉差使懶惰撤去鑰匙各部記過原冀其有時痊愈奴才
接任以來隨時察看該員竟不常進署並聞時往電報局無端擾擾前六月初六日堂期奴才正在畫稿時該員果面告電報局不給伊代發私
信等語查電報局係為一切緊要公務而設因當堂開導而申飭之乃該員始則曉諭不服繼竟漸起瘋狂語無倫次迄今將及一月派員查傳
據稱世謙近仍恃瘋無狀抗不入署似此疾已成痼有曠職守未便再事優容相應請 旨將郎中世謙勒令休致交該旗嚴加管束以肅官方
理合恭摺具 奏伏乞 皇太后 皇上聖鑒 奏請 旨奉 硃批世謙著勒令休致餘依議該衙門知道欽此 ○頭品頂戴陝甘總督

臣譚鍾麟跪 奏為揀員請補知縣員缺以裨地方恭摺仰祈 聖鑒事竊據藩臬兩司詳稱甘肅靈臺縣知縣賈昇運調補山丹縣知縣所遺
係廣難中缺曾經扣留由甘肅補前奉部章甘肅升調補缺變通辦理無論何項缺出擇其相宜之員請補等語今靈臺縣知縣缺查有發
甘委用知縣蕭晉昌年四十五歲湖南寧鄉縣舉人揀選知縣光緒九年經臣奏請補發到甘於關外諸軍異常出力案內保俟補缺後以直隸
州知州補用歷署合水秦安等縣辦理一切悉臻妥協以之請補靈臺縣知縣實屬人地相宜詳請奏補前來臣查蕭晉昌才具明練吏治講求
以補靈臺縣知縣洵堪勝任合無仰懇 天恩俯准以蕭晉昌補授靈臺縣知縣期於地方有裨如蒙 俞允俟准部覆後再行給咨送部引
見以符定制仍俟試署年滿另請實授該員並無參罰案件謹恭摺具陳伏乞 皇太后 皇上聖鑒訓示謹 奏奉 硃批吏部知道欽此

○楊昌濬片 再查定例部選人員領憑到省後經該上司留心察看自應隨時奏咨存案或撤調入閣及委派各項差使亦照此辦理等語遵
辦在案茲查新選浦城縣知縣梅汝梅湖北進士現已抵省遵本年戊子科鄉試在即擬徵調該員供辦差使俟事竣再飭赴任供職據福建藩
司張夢元臬司李俊會同具詳前來除咨部查照外臣謹附片具陳伏乞 聖鑒 奏奉 硃批吏部知道欽此 ○定安等片 再據奉天
支應總局會辦委 刑部候補郎中汪以莊稟報光緒十四年三月十二日在差大接到電信知親母戴氏於三月初六日在籍病故該員係屬
親子例應丁憂等情據此查郎中汪以莊經原任大臣穆圖善奏調來營派委支應總局會辦差使現據呈報丁憂該員尚有經手未完事件一
時難以遽易生手合無仰懇 天恩暫准留營一俟經手事竣再飭回籍守制之處理合附片陳明伏乞 訓示謹 奏奉 硃批著照所請吏
部知道欽此 ○潘霽片 再臣准吏部咨光緒十四年正月二十四日奉 上諭貴州貴西道員缺著邵積誠補授授欽此遵即恭錄咨行在
案今道署邵積誠於六月十六日到黔應即飭赴新任以重職守除飭遵照外謹會同雲貴總督臣岑毓英會附片陳明伏乞 聖鑒謹
奏奉 硃批吏部知道欽此

堪輿巨眼 ○世之習堪輿多矣而求其得青烏之秘者渺不可邁余素慕此術求其人而弗得嗣乃遇 鄭熾南先生見其龍點穴
奇妙入神所有經印各山莫不驗如影響因請其卜葬 先嚴墳墓所言得失葬後果一一相符地堪之學如此其精即方諸楊曾廖廖諸公不
是過也僕適隨有素感荷良深圖報無從爰誌數語於報端以微問津者知所趨向焉 先生館寓小坡新海南會館後街新巷內右便第六間
就問者請虛心往叩可也 大清光緒十四年戊子九月十八日 小坡同興號曾玉堂謹啟

吉屋出賃 ○敬啟者敝號現有吉屋一所在王家山脚希利街第四十九號門牌計該屋橫闊五丈另有屋巷二條 一十五丈屋內
所有廳堂樓舍并兩房擊球房及夥伴住居之所無不俱全甚為宏麗茲欲出賃與人倘 諸君有合意者 祈至敝 號可也特此佈聞
大清光緒十四年七月二十八日 黃坤盛號謹啟

所有廳堂樓舍并兩房擊球房及夥伴住居之所無不俱全甚為宏麗茲欲出賃與人倘 諸君有合意者 祈至敝 號可也特此佈聞
大清光緒十四年七月二十八日 黃坤盛號謹啟

所有廳堂樓舍并兩房擊球房及夥伴住居之所無不俱全甚為宏麗茲欲出賃與人倘 諸君有合意者 祈至敝 號可也特此佈聞
大清光緒十四年七月二十八日 黃坤盛號謹啟

敬頌名醫 ○嘗思人有疾病而不認真醫治是自誤其命也欲醫治而不講求名醫又更誤也每見英偉強壯之年傳有疾病而致廢不振者良可慨也茲英醫官馬吉里士珍係本坡花旅領事之愛婿也先生精究醫學存心濟世余兩小兒巨川文英曾染沉痾危在旦夕幸逢先生一投藥石頓覺精神爽快連服數劑元氣全復是其再觀天日亦先生之賜也用誌數言以謝先生耳倘諸君有欲請教者可到高勞橋藥店詢之便妥專此佈聞 光緒十四年戊子八月廿七日 振成陳金鐘謹啟

RIGAND'S KANAGA WATER.

列顯干那芽花露水 ○此水係以干那芽花所製其花出自日本國中香冠凡卉乃列顯君在日本探辦載回法京製成此水以故其香甚清而其用亦甚善如皮膚有皺裂等病抹此香水固能愈痊尤可解蚊口之毒若以此香水和水盥洗固能令人肌膚嫩滑顏色光潤且瘡癤不生本藥房製成此種花露水銷流已久遐邇傳揚不料近有德商仿照本藥房所造此水以圖射利其氣味遠遜迥隔霄壤 諸尊有購買此水者請看以下所列第一款之西字標頭本藥房所用製載此水之樽係有浮凸字樣如下所列第二款式且有西字註明列顯公司字樣如標各均有總書號據始為真貨否則係為混冒向祈慎購至於各式人等有假冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈

4430.

MORRHUOL.

模好呂解毒葆元藥丸 ○此丸端治虛損吐血花柳傳毒咳嗽哮喘目痛重舌等症其效如神且不惟解毒且能調和營衛葆養精神現用法英美各國醫士所用花柳敗毒之藥均用此丸無不藥到病除立見春回若服此丸須仿照魚肝油之法要緩緩吞下必於用飯時吞服一二粒切勿誤為急吞以背服法此丸係以樽裝每樽計一百粒現託新嘉坡藥房麥加君處代售此佈 大英十一月八號

SANTAL MIDY,

DR. MIDY'S SANDAL OIL CAPSULES.

檀香油藥粒 ○此藥係製成油質以薄皮一重裹作粒形以便易吞而其藥力能治花柳淫毒白濁白帶腰閉一切等症如症雖香痛服之立止而服藥後約歷二三日即見功效但所患過重者須每日吞服六次每次吞服二粒至痊愈後宜再服十日庶得清源後患永絕根株惟服此藥時宜戒色慾氣怒節勞動等事幸勿自誤致礙藥力之不神也現此藥託交新嘉坡藥房麥加君處代售此佈

FRUIT JULIEN.

浮律如聖藥糖 ○此藥糖係採鮮果之汁加以藥料和製成塊略如糖粒氣味甘佳而其功效較於油為日無論男女老幼均能服食且其味有如糖菓最為適口尤為小兒所愛其藥力均可治胆汁太多重舌頭痛鬱結大便不通斑疹血熱血毒以及皮膚癢癢等症服之亦可涼血行滯且能令臟腑潔淨痼疾立除但服之法宜於臨睡時吞服一二粒至翌早飲茶一杯須臾即覺大便通利身體爽快現此藥託交新嘉坡大藥房麥加君處寄售此佈

烏密酒發售



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭標烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲飲者請至本行取用可也此佈 大英一千八百八十八年八月十五號 明碼也洋行啟




西國醫士佛羅斯配製治病滋補氣血藥水能治肝癆肺癆胃弱飲食停滯心悸多驚四肢酸軟身虛體弱酒色過度等症輕馳名於世二十餘年天下各國講究講養者多經服用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日服三次俱晨午晚膳後乃服每次用一茶匙以冷水或凍茶一酒杯開服須食一樽之譜方得見効如蒙 光顧請到中國各口岸西人藥房採買其在本坡則各藥房均有發售欲多買者則請至然里洋行對門之新嘉坡藥房即勞末中藥房內麥加君處選購大樽每樽分作一百二十八服銀一元半樽每樽分作六十四服銀一元此佈 大英一千八百八十八年正月十八號 美國紐約佛羅斯公司謹啟

時款鐘表出售

啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一種最為名貴每枚價銀二十五元并有大小各式金表甚多均屬當行出色者更有無須須表匙自能上練之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美麗以備諸君選擇他如金表金匙相合金表練金戒指等各物甚多不能備錄而本店并能代 諸君修理鐘表以及風雨針等件甚為精細保能晷度無訛 諸君惠顧請即移玉 光臨為盼 大英一千八百八十八年四月十七號 橫申鐘表店謹啟

啟者本行商代辦大英北方商務保險公司專代 諸君承保洋面平安諸家 惠顧請本公司更會設火燭保險以保洋中平安價值相宜
爲略列如左 一號保險洋面百元保費銀五角另扣同十八仙與投保者 七海保金每值百元保費銀一元五角亦扣同十八仙 煤炭
保險每值百元保費銀一元二角五仙亦扣同十八仙 雜貨保險其價值於丹戎巴葛貨棧內者每值百元保費銀一元五角亦扣同十八仙
其餘各貨如欲買保者請至本行面商價值相宜此佈 大英一千八百八十六年十一月二十九號 年 代理人明嗎也洋行謹啟



實得力公司總理人可洛不加道啟

舊烟土	五百四十四元	新烟土	五百四十四元
上甲錫	三十八元二角半	叻甘蜜	七元八角半
叻烏椒	卅三元五角	白蘭上	四十一元半
金盾行情	金盾一個		六元五角半
印度盾	一百元兌		二百廿七盾
爪亞盾	一百元兌		一百八十四盾
匯豐行情	銀行利息		十二八仙
銀行現銀票	銀行貼出		一角二占半
商人三十日票	一百元貼銀行		七元二角半
匯豐西	銀行現銀票		一百元貼銀行
	三角七五		

行 監 船 輪

示船期 ○啟者茲本館之報按日必將出口之各輪船行期詳登凡有輪船之公司行號見報爲之先期佈告使人周知以便招接載運不無補益產爲利便之舉但本館記事浩繁逐一詢問恐或有遺茲敬與本坡凡有輪船各丹本公司行號約如遇寶號出口之船某日展輪解纜自有定期務祈先將船期示知俾本館以便照登則欲附貨搭客者可得先事而備自無後至之虞不費之利諒諸君之樂從也再者諸君送來之稿祈於每日三點鐘以前交到始能照刊若過三點鐘則本館經已排印不能照錄當俟下日始能錄出尙祈見諒特此 佈聞 本館謹白

[illegible]

豐源號	之萬永成火船	於本月廿三日	必能抵叻上落
貨託至廿五日	欲往	泗水 峇釐陵	等處矣